

T s c h e n t a m e n t s



**da l'Uniun da las Rumantschas e dals Rumantschs
en la Bassa (URB)**

I. Num, furma giuridica, sedia e status

art. 1

Num, furma giuridica e sedia

L'Uniun da las Rumantschs en la Bassa (URB) è ina societad tenor art. 60 ss dal cudesch civil svizzer. La sedia da l'uniun è il lieu da domicil dal president/da la presidenta.

art. 2

Status

¹ Ella è ina associaziun affiliada a la Lia Rumantscha.

² L'URB resta neutrala en fatgs da politica da partida ed en fatgs confessiunals.

II. Intent ed activitads

art. 3

Intent

L'URB ha l'intent da

- a) unir e sustegnair las organisaziuns rumantschas/grischunas ordaifer il chantun Grischun en lur lavur da la lingua e cultura rumantscha
- b) realisar e promover projects per francar, derasar ed actualisar il rumantsch e sia cultura e per rinforzar sia preschientscha e ses diever en tut ils secturs da la societad.
- c) represchentar la Rumantschia ordaifer il chantun Grischun.
- d) promover l'infurmaziun reciproca e quella cun la Lia Rumantscha. Qua tras vul l'URB contribuir activamain a la finamira da la Lia Rumantscha e sustegnair ils sforzs per la lingua e cultura rumantscha.

art. 4

Activitads

¹ Las activitads necessarias per ademplir l'intent vegnan decididas da la radunanza annuala en in program da lavur annual.

² La suprastanza da l'URB exequescha quest program da lavur annual en collavuraziun cun sias organisaziuns affiliadas e ses commembers singuls.

III. Commembranza

art. 5

Commembranza

Commember da l'URB pon daventar:

- 1) uniuns rumantschas/grischunas ordaifer il chantun Grischun
- 2) scadina persuna natirala che viva ordaifer il chantun Grischun
- 3) personas e societads giuridicas cun domicil ordaifer il chantun Grischun

IV. Organs

art. 6

Organs

¹ Ils organs da l'URB èn:

- a) la radunanza annuala
- b) la suprastanza
- c) il revisurat

² Per preparar tschertas fatschentas ed examinar problems speziels pon ins numnar cumissiuns spezialas.

A. Radunanza annuala

art. 7

Cumposiziun

¹ La radunanza annuala è l'organ legislativ da l'URB; ella è publica.

² La radunanza annuala sa cumpona

- a) da las delegadas e dals delegads da las organisaziun affidadas
- b) da las ulteriuras commembras e dal ulteriurs commembers
- c) da las commembras e dals commembers da la suprastanza

³ Mintga associaziun ha duas vuschs. Commembers singuls han ina vusch.

art. 8

Cumpetenzas

Sco organ suprem ha la radunanza annuala en particular la cumpetenza da

- 1) survegliar l'entira gestiun da l'URB
- 2) discutir e decider dumondas da princip e da program
- 3) stabilir e midar ils tschentaments
- 4) eleger il president/la presidenta, la suprastanza per periodicas d'uffizi da trais onns

- 5) eleger dus revisurs da quint or dal ravugl da la radunanza per la perioda d'uffizi da trais onns
- 6) approvar il program da lavur, il rapport annual, il quint ed il preventiv annual e dar descharscha als organs
- 7) decider davart la recepziun e l'exclusiun dad organisaziuns affiliadas e da commembers singuls

art. 9

Convocaziun

- ¹ La radunanza vegn convocada da la suprastanza ina giada l'onn per sia tschentada ordinaria.
- ² L'invit, la glista da tractandas e la documentaziun èn da trametter trais emnas avant la radunanza directamain a las commembras ed als commembers.

art. 10

Radunanzas extraordinarias

Ina radunanza extraordinaria po vegnir convocada sin decisiun da la suprastanza, d'almain 5 associaziuns affiliadas u d'almain 10 commembers singuls.

art. 11

Tractandas

La radunanza tracta era fatschentas urgentas inoltradas a scrit da la suprastanza dad in'organisaziun affiliada u da commembers singuls il pli tard 10 dis avant la radunanza.

B. La suprastanza

art. 12

Cumposiziun

La suprastanza da l'URB sa cumpona dad almain tschintg commembers e sa constituescha senza cun excepziun dal president/da la presidenta che vegn elegì/ida directamain da la radunanza.

art. 13

Obligaziun e cumpetenzas

- ¹ La suprastanza è l'organ administrativ ed executiv da l'URB ed ha en particular las suandantas obligaziuns e cumpetenzas:

- 1) exequir ils pensums tenor ils tschentaments, las ordinaziuns e las decisziuns dals ulteriurs organs e decider davart tuttas incumbenzas da gestiun, uschè lunsch che quai na stat en la cumpetenzza explicita dad in auter organ u è gia decidì directamain u indirectamain, cunzunt entaifer il preventiv, tras in organ superiur.
 - 2) preparar las sedutas da la radunanza annuala.
 - 3) nominar la vicepresidenta/il vicepresidente e reparter las scharschas entaifer la suprastanza.
 - 4) survegliar l'administraziun e la cassa.
 - 5) relaschar ils reglaments davart las obligaziuns e cumpetenzas dal post administrativ da l'URB
 - 6) decider credits fin a fr. 1'500.- per mintga cas singul.
- ² Trais commembers da la suprastanza èn ils delegads da l'URB a la radunanza da delegadas e delegads da la Lia Rumantscha. Il president /la presidenta da l'URB è medemamain dal cussegl da la Lia Rumantscha.

art. 14

Sedutas

La suprastanza sa raduna tenor invit da la presidenta/dal president u sche trais commembers dumondan quai. Ella po decider, sche almain trais commembers en preschents.

C. Revisiun da quint

art. 15

Revisurs da quint

Ils revisurs/las revisuras da quint controlleschan annualmain il quint e dattan rapport detaglià a la radunanza annuala.

V. Finanzas

art. 16

Meds finansials

Ils meds finansials da l'URB sa cumponan da:

- 1) contribuziuns da la LR
- 2) contribuziuns annualas statutaras da las commembras e dals commembers che vegnan fixadas e protocolladas mintg'onn a la radunanza annuala
- 3) donaziuns dad ulteriuras instituziuns e da persunas privatas
- 4) entradas occasionalas

art. 17

Responsabladad

Per obligaziuns finanzialas è la suprastanza da l'URB responsabla.

VI. Revisiun dals tschentaments**art. 18**

Revisiun

Quests tschentaments pon vegnir suttamess ad ina revisiun totala entras conclus preliminar da la radunanza sin proposta da la suprastanza, sin dumonda da 5 uniuns affiliadas u 10 commembers singuls.

art. 19

Quorum

Per ina revisiun totala sco era parziala dovri ina maioritad da 2/3 da las vuschs da la radunanza.

VII. Dissoluziun**art. 20**

Procedura

Per la dissoluziun da l'URB dovri 2/3 da las vuschs da la radunanza.

art. 21

Liquidaziun

En cas da dissoluziun va la facultad da l'URB a la Lia Rumantscha.

VIII. Disposiziun finala

art. 22

Entrada en vigur

Quests tschentaments remplazzan ils tschentaments dals 13 da matg 2000.

Turitg/Cuira, ils 17 da settember 2009

Uniun da las Rumantschas e dals Rumantschs en la Bassa (URB)

Jon Carl Tall
president

Ciril Berther
vicepresident

Approvà da la
Lia Rumantscha (LR)



dr. Vincent Augustin
president

Urs Cadruvi
secretari general